

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-11802/21
Sarajevo, 03.08.2021. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Čišćenje korita rijeke Miljacke od željezničkog mosta u Telelovom polju nizvodno prema ušću u rijeku Bosnu

I

Prihvata se preporuka Komisije za javnu nabavku radova i ugovor u predmetu - „Čišćenje korita rijeke Miljacke od željezničkog mosta u Telelovom polju nizvodno prema ušću u rijeku Bosnu“, broj obavještenja 422-1-3-97-3-60/21, objavljeno na Portalu javnih nabavki dana 25.6.2021. godine i “Službenom glasniku BiH- Oglasnik javne nabavke”, br.41/21, dodjeljuje se ponuđaču „Harysco“ d.o.o. Sarajevo, sa ponudenom cijenom za okvirni sporazum u iznosu od 80.597,00 KM bez PDV-a, odnosno 94.298,49 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-11802/21 od 23.06.2021. godine Općina Novi Grad Sarajevo pokrenula je otvoreni postupak javne nabavke „Čišćenje korita rijeke Miljacke od željezničkog mosta u Telelovom polju nizvodno prema ušću u rijeku Bosnu“, broj obavještenja 422-1-3-97-3-60/21, objavljeno na Portalu javnih nabavki dana 25.6.2021. godine i “Službenom glasniku BiH- Oglasnik javne nabavke”, br.41/21. Zapisnikom o otvaranju ponuda od 15.07.2021. godine Komisija je konstatovala da je u predviđenom roku, u propisno upakovanim kovertama, pristiglo tri (3) ponuda ponuđača:

1. „Harysco“ d.o.o. Sarajevo,
2. „Beton-kop“ d.o.o. Odžak,
3. „Mevludin commerc“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Uvidom u dostavljenju ponudu ponuđača „Beton-kop“ d.o.o. Odžak Komisija je utvrdila da ista ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) da je jedno lice VSS- građevinske ili arhitektonske struke stalno zaposleno kod ponuđača sa položenim stručnim ispitom i radnim iskustvom od najmanje 5 godina, a tačkom 3.4.2. (a) propisano je da se navedeno dokazuje na sljedeći način: *“Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera – građevinske ili arhitektonske struke (original ili ovjerena kopija sa datumom izdavanja ne starijim od 30 dana računajući od dana utvrđenog kao krajnji rok za predaju ponuda) sa položenim stručnim ispitom i 5 /pet/ godina radnog iskustva u struci.“*

Komisija je konstatovala da ponuđač „Beton-kop“ d.o.o. Odžak nije dostavio uvjerenje izdato od PIO/MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera – građevinske ili arhitektonske struke.

Nadalje ponuđač „Beton-kop“ d.o.o. Odžak ne ispunjava kvalifikacioni uslov tražen u tenderskoj dokumentaciji iz tačke 3.4.1.c) da je ponuđač opremljen neophodnom opremom za obavljanje predmetnih radova; *Oprema: rovokopač, gusjeničar minimalne težine 20t- 1kom; kombinovana mašina za iskop i utovar- 1kom; prevozno sredstvo (kamion) nosivosti do 15t-1 kom., a tačkom 3.4.2. (c) propisano je da se navedeno dokazuje na sljedeći način: kao dokaz o obezbijedenosti opreme dostavlja se izvod iz knjige osnovnih sredstava ili ugovor o iznajmljivanju opreme, za kamion se dostavlja važeća saobraćajna dozvola, (original ili ovjerena kopija), a za radnu mašinu saobraćajnu ili upotrebnu dozvolu sa zapisnikom koji dokazuje tražene karakteristike (original ili ovjerena kopija).* Uvidom u dostavljenu dokumentaciju ponuđača „Beton-kop“ d.o.o. Odžak konstatovano je da je dostavljena saobraćajna dozvola za teretno vozilo istekla 18.5.2021. godine, odnosno prije 15.07.2021. godine koji je određen kao krajnji rok za predaju ponuda. Zatim konstatovano je ponuđač nije dostavio zapisnike uz upotrebne dozvole za rovokopač, gusjeničar kao ni za kombinovanu mašinu za iskop i utovar, što je bio obavezan dostaviti u skladu sa navedenom tačkom tenderske dokumentacije.

Iz naprijed navedenih razloga utvrđeno je da ponuđač „Beton-kop“ d.o.o. Odžak ne ispunjava uslove tražene u tenderskoj dokumentaciji iz tački 3.4.1. (b) i c) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu preostalih ponuda te konstatovala da nije bilo računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Mevludin-commerc“ d.o.o. Sarajevo sa ponuđenom cijenom za ugovor u iznosu od 80.678,00 KM bez PDV-a i 2. „Harysco“ d.o.o. Sarajevo sa ponuđenom cijenom za ugovor u iznosu od 85.011,50 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 22.07.2021. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-97/20 od 22.07.2021. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Harysco“ d.o.o. Sarajevo sa ponuđenom cijenom za ugovor u iznosu od 80.597,00 KM bez PDV-a;
2. „Mevludin-commerc“ d.o.o. Sarajevo sa ponuđenom cijenom za ugovor u iznosu od 80.678,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentulno umanjeње cijene postignute nakon e-aukcije, tako da ponuda ponuđača „Harysco“ d.o.o. Sarajevo iznosi 80.597,00 KM bez PDV-a, odnosno 94.298,49 KM sa PDV-om, o čemu je ponuđač dostavio saglasnost broj 02-135/21 od 26.07.2021. godine.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „Harysco“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis


Općinski načelnik
mr. Semir Efendić